



Publicaziuns dalla vischnaunca, jamna 2

Damonda da baghegiar 2013–1054.000

Datum dalla publicaziun: 10 da schaner 2014

Il patrun: Umberto Zanin-Monn, Via Acletta 31, 7180 Disentis/Mustér

Il representant: Umberto Zanin-Monn, Via Acletta 31, 7180 Disentis/Mustér

Object: Sanaziun dalla casa, parcella 1814, Via Plaun Sut 3, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 19 da december 2013

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

2013 – 1052.000

Andersson und Partner, Via Alpsu 43, 7180 Disentis/Mustér; sligiar si la butica existenta ed endrizzar in café (midada da diever), baghetg annex existent, parcella 536, Via Alpsu 43, 7180 Disentis/Mustér.

Disentis/Mustér, ils 7 da schaner 2014

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2013 – 2089

Janine Linse, Via Denterpraus 5, 7186 Segnas; installaziun da duas pegas per lenna ed in tgamin niev, baghetg annex curtin d'unviern, parcella 2305, Via Denterpraus 5, 7186 Segnas.

Nr. 2013 – 2090

Clemens Berther, Via Salez 3, 7186 Segnas; sanaziun dil tetg dil baghetg d'economia sin parcella 120, Via Salez 4, 7186 Segnas.

Encunter quellas decisiuns san ins protestar a scret enteifer 20 dis dapi la publicaziun alla supras-tonza communal.

Disentis/Mustér, ils 30 da december 2013

Uffeci da baghegiar Disentis/Mustér



Controlla da habitonts

Naschientscha

Daris Jasarevic, naschius ils 25 da december 2013 fegl da Admir e Almedina Jasarevic-Karic

Mortori

Cecilia Caminada, naschida ils 30 da schaner 1917, morta ils 2 da schaner 2014

Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas pe sunas el Grischun! Plinavon daventan ils donns cun mintga minuta spiarsa pli gronds. Perquei s'adressein nus a Vus cun ina ferventa supplica: *clamei ils pumpiers mo sur il clom d'urgenza 118*. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet:

www.pumpiers-sursassiala.ch.

Engraziel per Vies sustegn! *Vos pumpiers Sursassiala*

Oz en biblioteca!

Praulas e historias cun Mats, la miur

Has ti gust da vegnir cun tia mumma ni cun in'autra persuna d'accompignament en biblioteca e tedlar praulas ni historias?

Mats, la miur e nus dalla biblioteca raquintein a ti ina praula ord in cudisch da nossa valischa da surpras e quei mintga gada il *secund venderdis* dil meins dallas 14.30 entochen ca. allas 15.30.

Nus selegrein zun fetg sin tei ...

Tgisà, forsa anflein nus mintgatun aunc enzatgei auter che mo cudischs en nossa valischa da surpras!

Cun ils pli cars salids e sin seveser tochen gleiti.

Mats, la miur ed il team dalla biblioteca populara Disentis/Mustér e contuorn

Termins: 8 da november, 13 da december 2013, 10 da schaner, 14 da fevrer, 14 da mars, 11 d'avrel, 9 da matg ed ils 13 da zercladur 2014



Contribuziuns per la Sibla

«Siblus» encuera aunc ina ni l'otra contribuziun (glossa) per la gasetta da tscheiver «Sibla 29» che cumpara il fevver 2014. Contribuziun a scret cun il num e l'adressa digl'autur san ins tarmetter tochen ils **20 da da schaner 2014**: per e-mail siblus@tscheiver.ch, per posta Uniun da tscheiver Mustér, Gion Hosang, Via Plauncas 1, 7180 Disentis/Mustér, per fax 081 544 59 38, ni via la pagina d'internet www.tscheiver.ch.

Til da tscheiver da Mustér/Fasnachtsumzug in Disentis

Igl 1. da mars 2014 allas 14.00 ei il 35avel til da tscheiver a Mustér. L'Uniun da tscheiver Mustér envia da pign e grond, da lunsch e da manaivel da separticipar al til. Nus selegrein sin Vossas annunzias.

Am 1. März 2014 um 14.00 Uhr findet der 35. Fasnachtsumzug in Disentis statt. Der Fasnachtsverein von Disentis lädt Interessierte ein, am Umzug teilzunehmen. Gerne erwarten wir Ihre Anmeldung.

Annunzias a/Anmeldungen an: Gion Hosang, Tel. 079 690 97 42, e-mail: gion.hosang@tscheiver.ch, Fax 081 544 59 38, internet: www.tscheiver.ch

Encuretg derschadra/derschader

La Dertgira nauscha da Mustér drova rinforzament! Eis ti ina presuna che has bugen satira e vul scriver e presentar quella sco derschadra/derschader dalla Dertgira nauscha? Lu eis ti nossa dunna respectiv nies um!

Neu dumengia ils **12 da schaner 2014, las 17.30** ella stanza d'exposiziun dil fravi Bundi per in pign casting. La Dertgira nauscha selegra da tia viseta.

Fuffernadi da mupi per novits dall'annada 2011

Haveis vus mummas cun vies affon dall'annada 2011 tschaffen da fuffernar in'ura da moviment, legria e cantar en emperneivla cumpignia? Lu envidel jeu en vus cordialmein per in'ura da fuffernadi da mupi

gievgia, ils 16 da schaner 2014, allas 9.30–10.30 uras

el Center da sport, Mustér.

Bugen prendel encunter las annunzias sut telefon 081 936 43 86 ni 076 516 11 68.

Amicabels salids, la menadra
Riccarda Flury-Casanova

Gruppa da teater Mustér

Nus fagein puspei teater. La premiera ha liug **sonda, ils 11 da schaner**, allas 20.00 en halla Cons. Ulteriuras informaziuns fagei per plascher atenziun a nies inserat publicau davostier.

La gruppa da teater selegra sin Vossa viseta.



Mummas cun affons pigns

Nus mein a magliar Raclette **Gievgia, ils 23 da schaner 2014**, Hotel Restaurant «La Furca» allas 19.30. Annunzias pren Ada Lutz sut tel. 081 947 61 31 bugen encunter entochen ils 20 da schaner 2014. Mummas e babs ein cordialmein envidai.

Mummas cun affons pigns Mustér

Vischinadi d'Acletta, suentermiezdi da giugs

Nus envidein tut(ta)s convischin(a)s ad in suentermiezdi da divertiment da giugs, dumengia, ils 12 da schaner 2014 naven dallas 14.00 entochen ca. allas 17.00 ell'ustria «Péz Ault» ad Acletta. Ei vegn offeriu in pign refrestg.

La suprastonza dil vischinadi d'Acletta